

eyn vorweßer und vorsteer des obgnanten lobesanges Salve Regina und alle vorweser und vorsteher desselben Salve Regina, die nach ym syn werden, das vorgeschrebene dorf Obirschar mit alle synen zeugehorungen nichtes usgenomen geruwiglichen haben besiczen und des gebruchen und den vorgeschreben lobesang Salve Regina domitte redelichen auß-  
 5 richten und bestellen sollen, in aller maße als obin geschrebin stet und gefryheter ge- eiginter und gegebin guter recht und gewonheit ist. Und wir vorgeschrebener Heinrich buregrave zcu Missen ꝛ. behalden uns unßern erben nach unßer \*herschafft\*) ader nach- komen an dem vorgeschrebin dorffe und synen zeugehorungen keynerley crafft gewalt  
 10 gerechtikeit ader gewonheit, sundern vorzihen uns der alle geinwertiglichen mit dießem brive alle geverde und argelist außgeschlossen und ane unser unßer erbin und unßer nach- komen hinderniß und widersprechen. Hiebie sind gewest und synt auch geczuge die gestrengen er Apel Viczthum des durchluchtigisten fursten und herren hern Friderichs herczogen zcu Sachzen ꝛ. obirmarschalk, er Apel von Stuternheim ritter, Friderich von Malticz, Hans vom Bór und ander guter lute gnug, den wol zcu glouben ist. Des zcu  
 15 eynem waren bekentheniße und merer sichirheit haben wir egnanter Heinrich buregrave zcu Missen ꝛ. unßer ingesigil mit gutem willen und wissen an deßen unßern offenen brieff laßen hengen, der gegeben ist nach Cristi gebort virezen hundert jar darnach in dem funff und cz[w]enzigisten yare an dem mantage nach \*dem<sup>b)</sup>) sontäge als man in der heiligen kirchen gotes synget cantate.

20

188.

*Kurfürst Friedrich I. entscheidet die Streitigkeiten zwischen den Gebrüdern Henrich und Sittich von Honsberg und dem Rathe zu Freiberg wegen des Zolles.* 1425.

*Hilschr.: Or. Pap. Rathsarchiv Freiberg K. 10. Das S. des Apel Viczthum unter Papierdecke unten aufgedr.;  
 Schilt: schräglinck gehender Stamm mit Aepfeln, Helmzier ebenso; Umschr.: S. Apel Vitztum ritter.*

25

*Ann.: Vergl. No. 42, 48, 186.*

Als die gestrengen Henrich und Sittich vom Honsperg gebruder uff cyne und die | ersamen wiesen burgermeistere und radmanne zcu Friberg uff die andern siiten | gerechtikeit und zeusage, die sie beidersiit an dem zcolle zcu Friberg meynen | zcu haben, uns Frideriche von gotes gnaden herczogen zcu Sachsen lantgraven in Doringen  
 30 und marcgraven zcu Missen schriftlichen versigelt geantwort haben und sy daruß mit rechte zcu entscheiden mechtlichen bie uns bleben sind, als sprechen wir daruff recht, als wir uns des irfaren haben und selbir besser nicht wissen, als hirnach geschreben stehit. Sind dem male unser obireldern und vofaren den vom Honsperg und dem spittal zcu Friberg obir den zcol und andir gerechtikeit brieve gegebin haben, so sal iglichir  
 35 brief in sinen kreften bliben und wir teilen der keynen machteloos. Und als iczliche partie yn gerechtikeit und geruwige gewere an deme zcolle und an andern stucken nach außwysunge irer zeusagunge, die sie von langer züt gehabt und der bißher gebruchet haben, zeusagen, was denne iczliche partie darnach mit redelichem geczuge adir mit

187. a) herscharfft. b) dem dem.